

皇清文穎續編

皇清文頴續編卷十九

雜著

皇典

謹序

朱珪

臣

竊惟尙書紀帝王之政惟堯舜尊之曰典典者常也萬世不易之法也故曰天敘有典又曰有典有則貽厥子孫又曰其爾典常作之師孟子曰堯舜之道不以仁政不能平治天下惟堯舜立人君之極萬世帝王咸取則焉今觀二典

所載堯則明德親族平章協和欽若授時疇咨
諸大端舜則齊政類禋巡守封濬欽恤詢岳咨
牧命官考績諸大端磊磊煌煌萬世由之則治
違之則亂心法治法一以貫之故曰典也欽惟

皇上臨御六十年

心則堯舜精一之心

政則堯舜欽明之政

巍功煥章烜赫緝繹載筆者雖磨鉛重軸掛一漏萬

若以勾股測天窮於擣管坐井之技於大圜之

量不能闕摹分寸也顧

臣

竊以爲我

皇上實心純德邁古式今憂民之憂樂

天之樂作

君師之則垂燕貽之規有確然世世遵守而不可易者乾以易知坤以簡能斯之爲可久可大之常道矣不揣弁陋謹作

皇典一篇以

獻曰

皇帝同

天協德曰純誠仁哲剛健文明信

天若

天孜孜惟厲不息而曰新歲舉三大祀

祈穀於上辛日在畢而

常雩曰南至而

郊北至禮乎

方澤必躬必親徹幄幕而耕

帝藉中祀币乎

八旬夙夜基命克迓

蒼眷曰信

天主人曰雨而雨曰暘而暘步禱於

壇曰惠雨乎蓋寅籲而辰霈若觸石之泰雲自初哉
齊見

上帝默祈曰子承

天承

祖惟保極至於六十年乃

古稀

八徵尤符初願不倦於勤其在易曰先天而天弗違
後天而奉天時是以自天祐之吉无不利也

皇帝紹衣念

祖追遠繼

志夙興恭讀

寶錄周而復始肆獻裸饋食時享月祀四謁

盛京長白望秩

天作高山穆然遐思

詠薩爾濟松山杏山之戰追憶墮淚

五朝冊寶琢以和闐之大玉冠服騎射之

訓守于世世東西上

陵感霜露而孺慕迥耄耄而優懷

御寓符乎

仁皇繩

祖武而匪解其在詩曰永言孝思孝思維則所以鞏
世祜而孚

天載也

皇帝至性至行篤于

慈寧問安先意視無形而聽無聲以天下養者六十

有七年奉

安輿而上

壽台海嶽而承歡臬乎永慕若將終身執禮過乎曾
閔誠孝動乎天人推

恩錫類四極歸仁所以地察而天明也

皇帝惇敘九族仁洽義周十一世之瓜瓞見七代之
茂苞

賜四品之冠帶燕龍光於蓼蕭復睿王之崇封記功
宗而不祧興滅繼絕微顯闡幽

仁厚鍾于麟趾

五福五代拊元孫而逮雲仍樂千春與萬秋所以繩
繩引翼世德作求也

皇帝萬幾劼毖

乾綱獨挈日召臣工宣播綸綍

闢門聽治昝旦批札辰請已報不留晷刻引對守牧
清問慎讞

先覺之照如神小大之情必折知人器使揉枉陟黜
九域萬邦不隔戶閭是以中外允釐而曲成萬物也

皇帝以

天爲心保民如子省歲從星鞠謀暄雨

賜復漕糧者三

恩免正供者五蠲緩賑貸巨億萬萬正月始和先春
剪與今歲

詔豁積逋二千萬有餘特恩周溥

六巡江浙若晉豫齊魯所至曰

幸問民疾苦河防蜿蜒海塘齟齬

指授奠濬功邁神禹肆赦繫滯空厥囹圄是以民氣
舒而國本固也

皇帝生知天縱好學時敏

詩文富有充棟連軫

著論經史抉聖精蘊實事求是元元本本通六方之
音字紬七閣之編簡

經筵百篇

手書

御撰石鼓石經辟雍列建西安西而東灤陽新學宮
之巘巘

恩科十四作人造選鴻博經耆之舉獻頌異等之雋
披華振實鳳翽虎轡是以萬方黎獻歌岡阿而轆轤
輦也

皇帝智勇

天錫

神武龍首肇十二齡而行圍發二十矢而中十九歲

蹕木蘭朝列藩而獮狩兩平金川再定伊犁遂砥回
部至於西海二萬里外皆爲我有緬甸歸其象馬安
南佩我印綬廓喀降而金瓶頒臺洋靖而鯨鯢培原
燎草薶不數荏苒之小醜是以功成十全而篤膺
眷厚也

皇帝德盛功峻禮明樂讎

定列代帝王之祀以尙賢也

賜勝朝守節之諡以顯忠也貳臣有傳以勵貞也勲

臣必世以酬庸也開千叟宴錫嘏徵也譜三百篇正雅風也是以制作大備而

教思无窮也

皇帝心堯舜心誠一不息心

天地心與

天合則四知惟幾四得惟德超六帝之壽康絕八極之稗謏

五福集而不去憂

十全成而猶戒得其在益之九五曰有孚惠心勿問
元吉有孚惠我德言損上益下聖人所以懷萬國也
記曰動而世爲天下道行而世爲天下法言而世爲
天下則是以

垂裕无疆謹天庥而保民極也頌曰
惟

聖法

天惟

天佑

聖堯舜同符仁心仁政

八徵耄念九敘先憂觀

天觀民萬世率由遵之盡善明明顯顯綱舉目張是
之謂典

皇哉典哉堯中舜性體之惟誠行之惟敬願以斯典
垂億萬年

天信民順純純乾乾

六符 謹序

陳宗本

臣謹按漢藝文志有黃帝泰階六符經一卷言
三階平則陰陽和風雨時社稷神示咸獲其宜
天下大安是謂泰平東方朔陳之揚雄引之孟
康應劭李善皆能言之所謂善言天者必有驗
於人也洪惟

太上皇帝陛下

備祿位名壽之全

廣文武聖神之運

臨御之始默籲

帝聰紀元周甲卽當

傳位歸政寅荷

昊眷郅隆

皇春積算爰

申前願以丙辰正月元日舉行

大典懿哉鑠乎協契乎

蒼緯姬美乎

聖祖繩契以還有若是

天人合一之符哉善乎孟氏之言舜文王也曰若合

符節我

太上皇帝得

天之符合

祖之符曼羨延洪數不能紀繼自今

太上皇帝以

德啟

德

皇帝以

心紹

心孚乎

天而宜乎人甲子再周當乾隆百有二十載爲嘉慶

六十載我

聖祖仁皇帝之符再合焉此固可預操其券者也

臣

珥筆史館侍學書帷謹援六符之義以證六旬

御寓

聖

聖相符拜手稽首以進其詞曰

渾噩紐牙初哉首基皎皎穆穆莫得而稽粵若稽古
黃帝三百年合德於心觀象於天著泰階六符一篇
於哉獲乾端坤倪之全矣自是厥後莫盛乎堯舜之
壽亦靡得而究也僉曰肇於丙肇於辰際盛於丙辰

是天符之轅也上覽古在昔姬文之生也以庚寅周武之生也以壬辰我

太上皇帝當我

聖祖仁皇帝之五十載歲德辛卯而篤生中兩聖以
誕降我

聖祖早燭其膺

天慶矣是以

顧復鞠育之周

啟迪訓誨之勤詳乎

紀

恩堂記者亮哉惟

聖知

聖亦惟

聖能繼

聖也蓋符之合而

武之繩已前定於我

聖祖之心矣

天數二十有五

乘六龍

臨九宇爲

宗廟

社稷主格於

上帝祈

篤祐之申錫以仰符乎

聖祖操符之本得符之原所以合斯符者羌難得而
覲縷夫

郊壇

躬親必齋必蠲

至虔也儀文具舉以肅以靜

至敬也登降之節圭璧之增

至誠也味爽

丕顯

皇朝文獻通考卷一百一十五
實錄環誦宜贊乎

功德

冠服弓矢豐碑是視

觀揚乎

光烈

所其無逸民事惟勤得尙書之官政焉元吉有孚

惠心勿問得大易之益損焉

文命之敷派八埏而暢九垓

武功之震

威可畏而

德可懷

四庫既儲

七閤度之石鼓既刻石經繼之禮器既

頒樂譜備之

文集三而

詩集五典謨雅頌而下其疇得而嬈之歲

御經筵泣乎

文淵大啟黌宮流以

璧雍曲阜泮水

鸞旂戾止

錫鼎鼐之器崇觚棱之制

詔舉

恩勝徧飫乎矜之青髮之黃雖興桓之淳樸猶庠序
以教之雖安西之遼迴猶弦誦以導之

王會要略文閭數百有若準噶爾有若衛拉特有若
哈薩克有若布魯特有若阿瓦有若富良有若南掌
有若廓爾喀之逾乎後藏有若美諾有若促浸有若
瑯嶠柴城有若朝鮮暹羅琉球日本有若荷蘭暎咭
喇之航乎重溟以旗計者四十有九以里計者數萬
以二以國計者以部計者皆史佚師古德裕所未嘗
或紀然則

天人之符已集矣而

聖人愈兢兢業業矣於

七旬篆寶曰

古稀天子而繼之曰

猶曰孜孜於

八旬篆寶曰

八徵耄念而繼之曰

自強不息迨乎

五福既長

五代名堂

四得咸得

十全悉全

壽與敬而躋

祚惟德之延迺

申初志啟

心傳珍符翕習以仰姬於

聖祖焉夫

聖祖之符

太上皇帝之符也

太上皇帝之符

皇帝之符也

皇帝承

不緒闡

宏模祇祇翼翼肅肅愉愉得

聖訓以引迪仰

福蔭以綏敷

紀元周甲而獲

天人之符也審矣矧夫唐虞之際干支之契又有可得而紛臚者乎謹案堯之踐阼也歲陽在甲歲陰在辰舜之紹堯也歲陰在戊歲陽在丙辰於次爲壽星秋分見於丙者星曰老人堯之薦舜於天也歲維丙辰斯時堯之紀七十有三堯之壽八十有八蓋自八十有五益以三載之事考而言詢我

太上皇帝之初元幹丙而枝辰合符于曉曉僻僻故
能兼乎重華與放勳茲則貞元循環

上儀慶成復見此之爲符焉不可以券我

太上皇帝八千爲秋八千爲春與

皇帝之如日之升如月之恒也哉且我

太上皇帝之紀一也以丙紀十也以庚丙南方也物

賴以養庚西方也物賴以成能養而成宜其

德被乎四極四和而

化浹乎八寅八紘也我

皇帝之篤慶也歲在上章之庚枝處執徐之辰庚者
堅強兆協乎大橫辰者振美義取乎舒伸
太上皇帝癸巳之歲薦

皇帝名於

昊穹又合乎癸揆與巳盛乙卯之歲戌月亥辰有
建立元良之

命則又合乎乙之奮卯之震步戌而得歲吉亥以穀

民丙辰正月建寅而值庚寅者演也庚者

太上皇帝壽之成數

皇帝壽之起數也丙辰元日臨戊而處申戊者茂也
申者

太上皇帝

申命用麻

皇帝申錫無疆也然則丙辰之爲符也美矣善矣可
以超有媯軼陶唐矣廣象曰乾爲天爲君爲父

太上皇帝與

天合德用能與

天合符爲天下

君爲

天子

父

君之德承諸

聖祖用能與

祖合符

父之德詒諸

皇帝用能俾

皇帝與

太上皇帝合符自今以始輩丕丕基受

天之祐永昇仍雲慶乎同堂億兆京垓紀乎年數泰
階允平六符用貞蕩蕩乎郁郁乎巍乎煥乎

福祿之總

仁壽之符

皇清文頴續編

卷十九

雜著

三

學典 謹序

周興岱

皇帝嗣統之三年德昭道淳淵耀闡繹北燠南煬人

文蔚起

九重秉

尊養之訓四海達

醴懿之猷於凡

國家大典大禮如禋祀

天地嚴格

太廟敬禮

社稷

日月

躬耕藉田以及

經筵敷講上塞

巡行文武經緯之具蔑不以次迭舉本

帝心之宥密成邇治於篤恭猶以

作聖有基莫大於

視學化民有道莫先於

彛訓崇儒重學之規虞夏商周以來未有不兢兢致

慎者爰以仲春之月日維丁未敬奉

太上皇帝勅旨昕夕齋戒太常備法駕

釋菜於

至聖先師孔子遂

躬臨辟雍

講大學聖經首節及周易臨卦之大象自王公卿尹

聖賢胄裔以及紳士庶民莫不祇敬拜跪園橋
門而觀聽皇皇乎大典也禮儀旣成雅頌斯作

臣備員春官詳釋禮意竊以

帝王之所以繼

天立極者惟學爲最重臣子之所以紀載

功德者惟學爲最尊尚書自說命始言學然欽明文
思直溫寬栗無非學也其策則惟堯舜之書尊
之曰典以其爲萬古所同尊也是以孔安國書

傳云典者百代常行之道孔穎達疏云堯舜之
德於常行之內道最爲優故名曰典爾雅釋典
爲經說文以典爲陳帝德之書廣韻訓典爲法
義皆從同

臣

幸陪

法駕管窺蠡測作文一篇名曰學典敬以揚

盛美於萬一云

蓋惟

皇穹布化二儀幹運眷佑

大聖錫之典常

作君以覆冒萬方卽

作師以陶淑萬類

人君之所爲斟酌化原恭已淵穆者天德也叡哲之
聖必由學以達之所爲彌綸當世模範閎業者王道
也光被之治必由學以充之制作之隆典章之備實
大則聲宏道高則典著伊古以來未有如我
聖朝之盛者也洪惟我

太上皇帝睿聖天縱聰明日躋法

吳緯之健行躋瀛寰於仁壽旣已備

十全之偉績膺五福之禎符爰於久道化成之日運
神明之矩垂久大之規

命於國學建立辟雍司事者未知規制之所宜則披
圖考古親運

聖裁以指示其範模良維地高無水可引則

命濬井汲泉澄泓演蓄以上符於古制旃蒙大芒駱

之歲辟雍告成矩矱嚴肅實千有餘年未舉之創典
乃

親祀事於

聖殿備禮和樂精意誠格乃

臨辟雍

講仁敬孝慈信之章及乾行不息之象振聵發蒙萬
國聽覩典之大也如是嗣是

親排石鼓字爲十章重摹精刻列於門廡

命校正蔣衡所書十三經勒之貞珉冠以

御製說經大文皆經典所未備先儒所未發之間與
日曜星明昭示萬世誠包軒軼媯超越殷周之盛典
也

皇帝撫鼎運炳離明躬承

太上皇帝睿訓敬迓

上天庥祉虔惟

大聖人斂福念徵自强不息惟日孜孜之闕旨奉爲

法範精心劼毖紹繹無間一如惟精惟一允執厥中之訓重華之上契乎放勳也爰遵

上聖視學之成憲萬世所當常行者稟

勅訓而敬行之於昭朕蠻神斯格也玉帛笙簧儀斯飭也萬官陪位循舊則也章縫踴躍抃

至德也萬邦從風遵

皇極也

景福鴻禧時萬億也敬仰聆夫

聖訓於明明德見道之大原協於

天於新民見物之恒性綏於

帝於止至善見萬世無斁之規必衷於

君德至若教思無窮之解何殊於六府三事之勸歌

容保無疆之道何殊乎於變時雍之格被誠所謂集

千古聖學之大成觀會通行典禮而南北東西無思

不服者矣以視昔者米廩瞽宗成均虞庠之制司徒

樂正之官春秋禮樂冬夏詩書之教以及學記入學

釋菜文王世子始立學釋菜之文且如靈臺辟雍言
文王之學有聲辟雍言武王之學王制辟雍泛言天
子視學之禮所謂道德以是而積儀則以是而壅者
曾何足與

今日藝盛也哉而兩漢之三雍官唐宋之廣學生弟
子員建立未精禮意靡達益不庸同日而語矣於是
王公大臣虎闡貴胄敬起而獻頌曰於鑠
帝德緝熙重光孜孜學問日進无疆祇承

訓政巍煥惟章闡敷

至教覃及萬方於是文武百僚恪恭將事敬起而獻
頌曰三光朗朗萬邦循職廣運無垠維

皇建極又用三德平康正直於昭學宮雲縵五色於
是聖賢後裔橫經嗣訓敬起而獻頌曰

道德穆穆

雍宮閑閑

九重至聖辰旗莅焉俎豆簠簋

教思閔宣

恩榮廣被萬禩億年於是俊乂譽髦詠歌舞蹈敬起
而獻頌曰東有箭兮南獻琛槐之市兮鬱成陰我
皇布德兮萬國謀

辟雍海流兮

六飛臨煥絲綸兮沛德音荷

陶鑄兮洽黎黔於是環海芸生含和飽德敬起而獻

頌曰

皇化所孚海隅出日崇文講藝維民之則

天生萬民彝性懿德我

皇道之勞來輔翼允蹈斯文惟

皇之極於是朝貢侍子梯山航海敬起而獻頌曰東
風從律海波不揚重譯以至近

天子光赫奕軌度周膠虞庠景慶協晷麟鳳致祥合
天大圓

聖謨洋洋由斯觀之百度貞於上羣心孚於下然則

聖

聖相承以典學而垂爲學典昔儒所謂百代常行之
道爲經爲法孰有大於茲詛者乎庸詎周官所載治
典事典可爲倫比書曰慎徽五典五典克從蓋洵乎
其克從也又曰天敘有典五典五惇蓋洵乎其惟惇
也

闡訓 謹序

戴衢亨

臣聞帝王紹淳龐延景鍊緝熙康乂啟迪鴻化
其本莫大於學權輿邃古之初燧人築臺尊師
肇開沕穆五帝太學總名成均爰逮有周五學
並建辟雍居中辟以明之雍以和之此天子之
學所以光贊時雍具六通四辟之象也洪範曰
皇極之敷言是彝是訓于帝其訓繼之曰凡厥
庶民極之敷言是訓是行夫極者中也彝者常

也人主代天垂訓作之君作之師建之以大中
守之以至常用能陶冶庶類宣鬯皇風貳造化
參神施亘千載而一遇焉欽惟

皇帝陛下握符闡珍斟元司契

御寓以來承

八徵之念申

五福之嚮迓

天庥繩

祖德惠兆姓勅萬幾乘

太上皇帝之

聖訓

敷極錫極虔輦勞謙以

身示教茲者敬奉

勅旨

親詣太學選月仲春練日丁未釋菜

至聖爰

莅辟雍

講大學之首章協咸臨之貞吉崇明新至善之規擴
教思容保之量本經訓以

訓天下實奉

聖訓以訓萬方也

典學之懋

知臨之宜

太上皇帝以是傳心

皇帝以是膺世教化之宮統於國學

躬臨宣講將以範圍而不過曲成而不遺至矣哉

訓之可久可大者孰有踰於是哉昔在漢之永平唐

之貞觀亦嘗臨雍講經義載諸史牒傳爲盛舉

當時臣工若班固孔穎達之流咸作爲詩歌賦

頌導揚床美然豈能卓犖方州洋溢宙合蜚英

聲騰茂實如

今日之

重熙累洽洪鬯淳懿乎夫勸學崇化所以恢懋典也

蹈德詠仁所以摠羣情也

臣

忝直

禁廷備官侍從快覩禮文之巨麗竊窺

太上皇帝式古訓以丕訓

皇帝承

睿訓以光訓謹就槃籥所及作闡訓一篇誠歡誠忭

稽首頓首以上其辭曰

三極俶肇上詰垂訓煥而爲典謨精而爲德義堯之

訓也協和萬邦舜之訓也敬敷五教禹之訓也漸被
暨訖湯之訓也明徵定保蒼姬紹統而訓四方焉東
轡振鐸而訓萬世焉訓莫粹乎學學莫宏乎教教莫
懿乎聖聖相承聖與聖相印以心聖與聖相授以訓
訓傳則學粹學粹則教宏也

皇帝合內聖與外王契

心源於家法謁

先師而致敬修上儀於辟雍典莫大焉治莫光焉粵

稽帝王爲治之序爲學之本惟大學一書最精最醇
自漢以後唐臣韓愈李翱常舉其說宋臣程顥程頤
始闡厥旨朱子章句序云本之人君躬行心得之餘
不待求之民生日用彛倫之外真德秀云聖學之淵
源治道之根柢君天下者之律令格例也其所作衍
義羽翼是書剟取經文叅諸傳記先之以堯典皋謨
伊訓與思齊之詩家人之卦繼之以子思孟子荀况
董仲舒揚雄周惇頤之說臚舉格物致知誠意正心

修身齊家之要以爲數者旣得則治國平天下在其
中而聖經一章首列明德新民止至善譬諸振裘者
必挈其領結網者必舉其綱懿哉淵乎羣言之祖經
訓之原也

皇帝禮師儒隆學敦

御黻倫之堂擊大昕之鼓集聖賢之裔胄揭治平之
大原蓋遵乾隆三年戊午

講學之禮而繼五十年乙巳

臨新建辟雍之儀夫建國君民莫先教學

太上皇帝創鴻規於璧水

再臨而

彛訓顯焉

皇帝迪懿軌於黌宮

首臨而

訓行正焉易序卦傳曰有事然後可大故受之以臨
臨之時義大矣哉綜二篇之策萬有一千五百二十

全爻三百八十有四全卦六十有四惟謙三吉三利
家人五爻皆吉臨之爲卦吉者四无咎者二卦德爲
說而順剛中而應大亨以正其象辭曰君子以教思
无窮容保民无疆王弼言相臨之道莫若說順得物
之誠故物无違也孔穎達正義以坤之廣象爲文允
之本義爲說教之无窮者允也容之无疆者坤也故
卦具四德者七而臨居一焉其四爻曰至臨言履得
其位盡其至者也然則至臨之義卽至善也大學與

大易本一貫也

皇帝覽虛義之秘文括周文之奧旨鉤深致遠精義
入神俾薄海內外感亭育之恩仰照臨之德而叶至
臨之吉推明德之至以合

天心推新民之至以凝

天命

身體力行以是布

訓於寰區以是承

訓於宥密是謂知臨是謂止至善且夫辟雍之爲制
闕而義至深遠也圓流無息似學者進德不已義近
於明德流轉王道周而復始義近於新民四周有水
其上有殿澤上有地義近於臨圓海回泉以象道德
之富義賅乎容保方中圓外中規中矩規矩方圓之
至聖人人倫之至義通乎止至善然則基首善之區
宏

君師之教必自

闡揚

聖訓始也故觀夫易殿餽以黃瓦頒彝鼎以周銅

闡其義則禮器

著爲圖式樂譜

訂以聲詩

訓之憲古師今者可引而申也觀夫石鼓之上集成

周遠頒武列

闡其義則庠序遍乎邊陲

聲教通乎瀛漠

訓之昭明習爽者可推而準也觀夫石經之全刻正
書不參注疏

闡其義則

四庫之庋七閣之建

訓之騰華照寓者愈光以大也讀大武告成之碑

闡其義而

駿烈溢乎十全

成算炳乎四知

訓之邇垓派埏無思不服者彌恢而廣也誦

聖製說經文之刻

闡其義而

帝學貫乎三才

宸治光乎五緯

訓之洞微暢古精深廣大者

文思

文明並煥也釋

肇建辟雍之文

闡其義而

心源溯乎洙泗

道統接乎勛華

訓之紹休聖緒允執厥中者

授

受同揆也古有三老五更祝嘏祝噎之文尙矣衷諸

睿論而期頤錫以旌額耆彥列於賢書

闡之益以重引年之典焉古有博士弟子員上舍內
舍之制詳矣契諸

釀化而

恩科慶榜拔其尤明經茂才廣其額

闡之益以彰右文之化焉蓋惟

太上皇帝法

天以立訓鴻彰昭倬靡所不備靡所不包而必協乎

至善以爲準惟

皇帝聰聽以

闡訓鉅典煒煌靡所不敬靡所不承而必求諸至善
以爲型然則今日之舉又豈講孝經演泰卦說五行
者可同年而語哉於斯之時

聖人守其精一兆民歸乎正直沐醇和之闔澤樂熙
皞於光天睹樹羽而聽鐘鏞奉承筐而飫樽俎斟酌
於道德之源肴覈於仁義之藪士棄末而返本人懷

貞而抱慤者皆由

聚之以學

導之以德

振之以自新

寬之以有容是以下遷善而不自知

上敦臨而化若神也繼自今

椿算積乎經咳

難圖從其章部樂鏡宇宙演迪斯文邇邇游原遐闊

泳沫遵道遵路以至乎億萬載將見

訓以

闡而益明

化以成而逾久都都相望邑邑相承咸含和而吐氣
曰盛乎哉斯世蓋不登泰山不知衆峯之剡施不觀
滄海不知百川之溶裔昔稱孔子賢於堯舜若

今日之以

聖繼

聖以

訓闡

訓誠所謂孕唐毓虞甄殷陶夏生民未有冠德卓蹤者也

宗經證巡篇

湯金釗

嘉慶十有三年歲在著雍執徐日月會于大梁

皇上俞臺吏請

巡淀津

閱河隄禮也

臣

謹案詩序時邁巡守告祭柴望也其

詩曰時邁其邦昊天其子之又曰懷柔百神及河喬嶽言王者奉天巡行邦國而山川羣神皆來安也般巡守而祀四嶽河海也其詩曰於皇時周陟其高山

隨山喬嶽允猶翕河言美哉君是周邦而巡守所至
望秩山川河流得順其性不爲暴也若然王者深居
端拱魚藻歌其豈樂卷阿詠其優游而必卜征考祥
勤勤於土訓誦訓夾車之駕者豈好勞哉蓋將爲神
示圖億寧閭閻迪康阜聲教考漸被府事計修和不
可緩也匪得已也孟子曰天子適諸侯曰巡狩巡狩
者巡所守也無非事者春秋左氏傳曰天子非展義
不巡守言巡守所以宣布德義釐工熙績庶事用康

也欽惟我

皇上堯兢舜業禹勤湯仁契帝王之心傳備詩書之
治法易曰天行健君子以自強不息禮記曰至誠無
息又曰如日月東西相從而不已也是天道也注言
人君法之當如是也

皇上至誠法

天健行無息酌虞書春巡之典倣禹貢奠川之文

乘鸞路

駕倉龍

時巡畿甸觀河問俗典莫隆焉恩莫厚焉

臣

案天津

在禹貢爲冀州帝都之境而兗州之西北界也其地爲九河舊道書曰播爲九河同爲逆河入于海爾雅載徒駭太史馬頰覆鬴胡蘇簡絜鉤盤鬲津謂之九河徒駭最北鬲津最南相去二百餘里徒駭舊道卽今直沽口也逆之爲言迎也旣分爲八又合爲一以一迎八而同歸于海卽渤海也其外則由海入河之

碣石在焉厥後河淪於海世遂謂之海而不知其初
實河也禹之立功冀州也曰至于衡漳則清漳濁漳
注焉曰恒衛旣從則滏與滹沱注焉當時固爲大河
入海咽喉受水旣多滙爲巨浸泊大河屢徙而南諸
水之迸集於此以入海自若也淤溢雖有不同形勢
要無大異今夫畿南之地廣衍多隰其翕受衆水灝
灏潢漾淵渟而海輸者則惟淀蓋卽周官職方氏所
謂澤薺也水經志稱九十九澨後世約其數爲七十

有二今可指者不過四十餘其他隨方俗異稱則或曰泊曰窪曰窩曰港而統言之則曰東西兩淀西淀周三百餘里跨州縣五東淀周四百餘里跨州縣七所納之水自沽渝濡漚派滋淶易之大以及涓谿山積潢潦溝澮之細靡不畢赴其中各有經河若依城溫義若玉帶會同若四角若茅灣若中亭十望若南北中三股若臺頭若大清河脈絡貫通達于西沽其隄則千里長隄控制鞏固拒子牙河者有格淀隄鄣

永定河者有六郎諸隄橋牐涵洞星羅碁布以時宣洩由是兩淀專清水之利而無渾流之害至若桑乾發源山右流經近圻勢若建瓴挾沙而行四出莫遏運道民生惟隄是賴其遷流遞易自安瀾城而柳盆口而王慶坨而冰窖草壩而賀老營而調河頭或北或南因勢利導河以底定書言旣澤旣豬旣陂旣道六府三事允治萬世永賴小人樂其樂而利其利穆然而思

列聖明德之遠焉書曰若稽田既勤敷菑惟其陳修
爲厥疆畎大雅曰詒厥孫謀以燕翼子又曰繩其祖
武周頌曰繼序思不忘我

皇上纘緒圖功繼

志述

事培基高厚濬流深通敬念

聖祖仁皇帝巡幸淀津者四

高宗純皇帝繼以五巡凡以阜成兆庶不遑康寧於

是紹

前謨下明詔躬相度示機宜

天光日照靈瀆安瀾詩曰匪棘其欲適追來孝此之
謂也若夫典禮之懿鑠

恩澤之匝洽又可畧言已涓旬

啟蹕展謁

東陵則王制將出造禰之義也蠲租緩課

孚惠民商則孟子春省耕而補不足春秋左氏傳施

舍已責逮鯨寡薄賦歛周易損上益下民說无疆之
事也海淀

羣神殷禮咸秩則虞書望秩山川之制也

召試迎鑾士子增廣學額則周易觀民設教禮記陳
詩觀風大雅稱周王于邁而卽繼之以遐不作人也
行國

閱武以詰戎兵則爾雅春獵爲蒐春秋公羊傳云大
蒐者何簡車徒也穀梁傳云因蒐狩以習用武事禮

之大者也小雅車攻之篇言東有甫草駕言行狩赤芾金舄會同有繹則因巡守而講武之徵也

召對守土諸臣

咨詢民莫則周禮職方氏王將巡守各修平乃守攷乃職事無敢不敬戒儀禮諸侯覲于天子鄭注謂巡守時制卽舜典所云肆覲周官所云各朝也若乃

體羣臣

優耆老

惠勞役

恤祥刑則月令所謂布德和令行慶施惠慶賜遂行
毋有不當也而且官不煩而民不擾合乎禮之大法
小廉政不留而事不稽合乎書之率作興事論語曰
先之勞之孝經曰聖人之教不肅而成其政不嚴而
治其所因者本也洪唯

聖天子本祇適之孝順

天心

勤民事所其無逸卽康功出功同律禮樂制度

政教淪浹海隅出日罔不率俾卓哉煌煌雖方策所
載唐虞三代省方純懿何以加茲易曰君子以經綸
鄭注讀綸爲論謂論譔書禮樂施政事禮記曰惟天
下至誠爲能經綸天下之大經立天下之大本鄭注
謂大經六藝大本孝經經有治天下萬世不易之要
道臣以禱昧幸際

熙朝經學昌明之會得入天祿石渠之署講論乎六

藝稽合乎同異伏見

大聖人舉事動應經典敢述所聞誦所學以疏通證
明

虞巡夏諺之意於萬一遂作頌曰惟

天愛民惟

皇奉

天兢兢翼翼

勤民是先

勤民伊何畋田宅宅府修事和歌敘無斁四海內外
罔不乂寧矧在邦畿而求厚厥生瞻彼畿南有河有
澶澶清河濁扼以隄堰

聖祖

世宗代有勅修

高宗五巡法良以周法良以周

皇纘一揆旣平旣清民用寧止民用寧止

皇心不敢康時邁其邦

恩溥德洋疊疊我

皇顧諟

天載惟時惟幾惟民是愛惟民是愛黎民懷之
天子萬年福祿綬之